

ЭМ ЗҮЙН ШИНЖЛЭХ УХААНЫ ИХ СУРГУУЛЬД 2020-2021 ОНЫ ХИЧЭЭЛИЙН ЖИЛД ОЮУТАН ЭЛСҮҮЛЭХ ЖУРАМ

Эм Зүйн Шинжлэх Ухааны Их сургуульд оюутан элсүүлэхэд БСШУ-ы сайдын 2006 оны 483 тоот тушаалын хавсралтаар баталсан “Оюутан элсүүлэх үлгэрчилсэн журам” болон энэхүү журмыг баримтална.

Нэг. Ерөнхий зохион байгуулалт

- 1.1. Оюутан элсүүлэх ажлыг хоёр үе шаттай зохион байгуулна. Эхний шатанд: Эм Зүйн Шинжлэх Ухааны Их сургуульд элсэх хүсэлтэй иргэн энэхүү журмын 2.2-д заасан Ерөнхий шалгалт (ЕШ) өгсөн байна. Хоёр дахь шатанд: ЕШ өгч, энэхүү журмын 2.2, 2.3 ба 3.3-д заасан болзлыг хангасан иргэний өргөдлийг Эм Зүйн Шинжлэх Ухааны Их сургуулийн элсэлтийн комисс хүлээн авч, зохих хяналтын тоонд багтаан шалгаруулалт хийнэ.
- 1.2. Элсэгчдийн сурах ерөнхий чадвар, мэдлэгийн түвшин тогтоох зорилго бүхий ЕШ-ыг Боловсрол, Соёл, Шинжлэх Ухааны Спортын Яамнаас эрх олгосон хөндлөнгийн байгууллага зохион байгуулна.
- 1.3. Элсэлтийн ажлыг Эм Зүйн Шинжлэх Ухааны Их сургуулийн захирлын тушаалаар батлагдсан элсэлтийн комисс зохион байгуулна.
- 1.4. Энэхүү журам болон элсэлтийн ажлын зохион байгуулалттай холбоотой нэмэлт мэдээллийг Эм Зүйн Шинжлэх Ухааны Их сургуулийн www.monos.edu.mn вэб сайтад байрлуулна.

Хоёр. Элсэгчдэд тавих шаардлага ба шалгалт

- 2.1. Эм Зүйн Шинжлэх Ухааны Их сургуульд элсэгч нь бүрэн дундаас доошгүй боловсрол эзэмшсэн байна.
- 2.2. Эм Зүйн Шинжлэх Ухааны Их сургуульд элсэгчид доорх шаардлагыг хангасан байна. Үүнд:

Элсүүлэх мэргэжил (хөтөлбөр)	Суралцах хугацаа (жил)	ЕРӨНХИЙ ШАЛГАЛТ	ЕШ- ын босго оноо
		Хичээл (2-ийг сонгоно)	
Бакалавр			
Эм зүйч	5 жил	Хими, Биологи, Математик, Англи хэл	410
Эмийн үйлдвэрийн инженер технологич (3+2 жил) хамтарсан хөтөлбөр	5 жил	Хими, Биологи, Математик, Физик, Англи хэл	
Уламжлалт анагаах ухааны их эмч	6 жил	Хими, Биологи, Математик, Англи хэл	
Сувилагч	4 жил		
Магистр			
Элсүүлэх мэргэжил (хөтөлбөр)	Суралцах хугацаа (жил)	Боловсролын зэрэг	
Эм зүй	2 жил	Магистр	
Уламжлалт анагаах ухаан	2 жил		
Доктор			
Элсүүлэх мэргэжил (хөтөлбөр)	Суралцах хугацаа (жил)	Боловсролын зэрэг	
Эм зүй	3 жил	Доктор	

- 2.3. БСШУСЯ-аас тогтоосон босго онооны болзол хангасан элсэгчдийг бүртгэн, хяналтын тоонд багтаан шалгаруулж авна.

- 2.4. Эм зүйн ухааны докторантур, магистрантур, Уламжлалт анагаах ухааны магистрантурт элсэн суралцах хүсэлтэй хүмүүсийг 2020 оны 09 сарын 01-11-ны өдрүүдэд цахимаар бүртгэн, шалгаруулалт хийж элсүүлнэ. Шалгалтын журмыг сургуулийн www.monos.edu.mn вэб хаягаас үзэж болно.
- 2.5. Урьд нь анагаахын чиглэлээр дээд, тусгай дунд боловсрол эзэмшсэн болон бусад их дээд сургууль төгссөн иргэдийг элсүүлэхдээ энэхүү журмын 4.4-р заалтыг баримтлан элсүүлнэ.
- 2.6. Гадаадын иргэдийг элсүүлэх ажлыг жич шийдвэрлэнэ.

Гурав. Өргөдөл хүлээж авах, бүртгэх

- 3.1. Эм Зүйн Шинжлэх Ухааны Их сургуульд элсэхийг хүсэгчдийн өргөдлийг (3.3-д заасан холбогдох материалын хамт) 2020 оны 07 сарын 03-аас 07 сарын 08-ны өдрийг дуустал www.monos.edu.mn хуудсаар дамжуулан цахим хэлбэрээр бүртгэнэ.
- 3.2. Хөдөө орон нутгаас элсэгчдийг сургуулийн вэб хуудсаар дамжуулан цахим хэлбэрээр бүртгэхийн зэрэгцээ Их, Дээд сургуулиудын консерциумын шугамаар албан ёсны төлөөлөгчдөд бүртгүүлэх боломжтой. Элсэх хүсэлтэй хүмүүст зориулсан нэмэлт мэдээллийг www.monos.edu.mn хаягт байршуулна.
- 3.3. Улаанбаатар хотоос элсэхийг хүсэгчид дараах материалыг бүрдүүлсэн байна. Үүнд:
 1. Бүрэн дунд боловсролын үнэмлэх буюу түүнтэй адилтгах баримт бичиг
 2. Сурагчийн хувийн хэрэг
 3. Ерөнхий шалгалтын батламж
 4. Иргэний үнэмлэх
 5. Цээж зураг 1 хувь
 6. Бүртгэлийн хураамж – 5 000₮
- 3.4. Эм Зүйн Шинжлэх Ухааны Их сургуульд элсэх болзол хангасан хүмүүс элсэхийг хүссэн өргөдөл өгөх эрхтэй боловч элсэх боломж нь хяналтын тоо, тухайн мэргэжлээр элсэхийг хүсэгчдийн өрсөлдөөний байдлаар хязгаарлагдана.

Дөрөв. Оюутан элсүүлэх шалгаруулалт

- 4.1. Эм Зүйн Шинжлэх Ухааны Их сургуульд нийслэл болон аймгуудаас элсүүлэх оюутны хяналтын тоог тус сургуулийн удирдах зөвлөлийн тогтоолоор батална.
- 4.2. Ерөнхий боловсролын дунд сургууль төгсөгчдийн Ерөнхий шалгалтын оноон дээр Боловсролын гэрчилгээний дундаж оноог нэмж, нийт онооны жагсаалтыг гаргана.
- 4.3. Эм Зүйн Шинжлэх Ухааны Их сургуульд тэнцэх болзол хангасан хүмүүсийг мэргэжил тус бүрээр нийт онооны дарааллаар элсүүлэх ажлыг 2020 оны 07 сарын 08-ны өдөр 10.00 цагт www.monos.edu.mn хаягаар байршуулна.
- 4.4. Урьд нь анагаахын чиглэлээр дээд, тусгай дунд боловсрол эзэмшсэн болон бусад их дээд сургууль төгссөн хүмүүсээс 2020 оны 07-р сарын 06-ны өдрийн 09.00 цагт Ерөнхий химийн хичээлээр шалгалт авч, тэнцсэн хүмүүсийг Эм Зүйн Шинжлэх Ухааны Их сургуулийн оюутны шилжилт хөдөлгөөний журам"-д заасны дагуу зохих мэргэжил, курсэд нь элсүүлэн суралцуулна.

Тав. Хөнгөлөлттэй нөхцлөөр элсүүлэх

- 5.1. 2020 оны Улсын хими ба биологийн олимпиадад шагналт байр эзэлсэн сурагчийг шууд элсүүлнэ.
- 5.2. Эм Зүйн Шинжлэх Ухааны Их сургуулийн нэрэмжит химийн олимпиадад оролцож, шагналт байранд орсон сурагчийг болзолын дагуу элсүүлнэ.

Зургаа. Элсэгчдэд сургалтын төлбөрийн хөнгөлөлт үзүүлэх болзол

- 6.1. Сургалтын төлбөрийг Эм Зүйн Шинжлэх Ухааны Их сургуулийн удирдах зөвлөлийн хурлын шийдвэрийг үндэслэн тогтооно.
- 6.2. Дараах шаардлага хангасан элсэгчдэд сургалтын төлбөрийн хөнгөлөлт үзүүлнэ. Үүнд:

№	Мэргэжил	Ерөнхий шалгалтын оноо	1-р курсын сургалтын төлбөрийн хөнгөлөлтийн хувь (хүртэл)
1	Эм зүйч	620-оос дээш	50-100 хувь
2	Уламжлалт анагаах ухааны их эмч		

3	Эмийн үйлдвэрийн инженер технологич		
4	Сувилагч	480-аас дээш	

6.3. Элсэн суралцагч нь цаашид амжилттай суралцвал дараах хөнгөлөлтийг эдлэх эрхтэй болно. Үүнд:

- Тогтмол “А” үнэлгээтэй суралцвал, сурлагын голч дүнг нь харгалзан Эм Зүйн Шинжлэх Ухааны Их Сургууль болон “Монос” группийн харъяа компаниудын нэрэмжит тэтгэлэг олгох
- 2 курсээс дээш “А” үнэлгээтэй суралцвал цалинтай дадлага хийлгэх, хамтын ажиллагаатай гадаад орны их, дээд сургуульд богино хугацааны сургалтанд хамруулах, сонгины ангид тусгай хөтөлбөрөөр суралцуулах
- Мөн дээрхи болзолуудыг биелүүлж, амжилттай суралцсан төгсөгчийг диплом хамгаалуулж, магистрын зэрэгтэй төгсгөх, өндөр цалинтай ажлын байраар хангах

Долоо. Шинээр элсэгчдийг бүртгэх:

- 7.1. Хяналтын тоонд багтан элссэн хүмүүс 2020 оны 08 сарын 24-28-ны өдрүүдэд Эм Зүйн Шинжлэх Ухааны Их сургуулийн Оюутны алба (1-202 тоот)-д өөрийн биеэр ирж бүртгүүлэн, суралцах гэрээ байгуулна.
- 7.2. Дурьдсан хугацаанд ирээгүй хүнийг сургууль орхисонд тооцож хасна.
- 7.3. Тэнцэж хяналтын тоонд багтсан элсэгчид бүртгүүлэхдээ дараах баримт бичгийг бүрдүүлнэ. Үүнд:
 1. Бүрэн дунд боловсролын үнэмлэх буюу түүнтэй адилтгах баримт бичиг
 2. Суралцах эрхийн бичиг
 3. Ерөнхий шалгалтын батламж
 4. Сурагчийн хувийн хэрэг
 5. Иргэний үнэмлэх
 6. Цээж зураг (3x4 хэмжээтэй) 3 хувь
 7. Сургалтын төлбөр төлсөн баримт
- 7.4. Элсэлтийн материалыг хуурамчаар бүрдүүлсэнтэй холбоотой асуудлыг Эм Зүйн Шинжлэх Ухааны Их сургууль хариуцахгүй бөгөөд хариуцлагыг элсэгч өөрөө хүлээнэ.